



杞
縣
志

一

DS
793
H52C564
1788
v.1





重修杞縣志序

志者史屬也志其天文地理山川風物
政事文獻一邦大畧上以脩

朝廷之採擇下則考鑒得失善俗宜民悉
視諸此故必隨時編葺職要職詳畢該
鉅細非徒夸典故資博物已也余自蒞
杞邑屢閱舊志雖規模畧脩然其分門
隸事未免有淆雜簡畧之虞因是嘆載

筆之難也况閱歲既久沿革建置因時
變遷人物代謝與日俱杳一旦文殘獻
缺日就遺忘責將誰屬且夫志之脩必
觀乎時勢非其時則事不舉得其時而
非得有學有識公明正達者以任之且
又恐苟且了事杞自去年來歲稔無事
余乘時勢大修學宮移置書院凡一切
祠廟俱為整飭矣謀及志書又不可不

重為增脩也適遇江左卽應徐君元圃
朱君過杞遂設館授餐於侯氏之西園
相與上下古今朝夕商確首自星野災
祥豐歉次及山川水利沿革建置以至
賦稅之增減職官之次第人材之代興
莫不條分縷晰列眉指掌其有不安於
舊志者繁則刪之缺則補之訛則正之
淆則釐之至人物一門尤加意搜羅平

心論定無缺無濫總十二門分若干卷
閱數月其書復成夫黼黻太平潤色鴻
業固古人盛舉何敢妄為擬議而執簡
記事考據明確或者上供

國史之採下為守土者因時折衷以宜民
善俗不至文綫獻缺使後人嘆祀之無
徵則璣實有厚望焉是為序

乾隆五十三年歲次戊申仲冬月候補同

知杞縣事桂陽周璣



凡例

一 聖製一編照省志冠於卷首以昭慎重舊志查考未備
茲因

今上憲綸旨廣特敬依年歲逐一增繕

一 舊志所載田賦諸項其數目與今稍異今悉遵
賦役成書實征確冊改正

一 學校爲邑中要事舊志載入禮樂似未妥協今
特改入建置

一 禮樂舊志有其名而無其事今特採取迎春耕

籍丁祭及一切祭器樂器壇廟禮儀樂章具爲增
入

一杞地平衍無名山大川所有河道亦通塞不常
茲特查核上下流通塞利害略加按語使後人知
其所重隨時濬以利民生

一名宦有善政者例得有傳舊志有附注于題名
下者殊爲簡略今悉提出附入傳中雖不敢妄增
一字而就其事蹟有裨地方遺愛在民何可略也
一服官居鄉有嘉言善行者宜一體立傳舊志亦
間以附注了事非體例也今據有行詣事蹟者亦

一 概提入傳中

一例貢例監本無可載亦難徧及因舊志所有未便輒刪即復存之

一 孝友爲人生至行採葺當益覈實嚴謹舊志以樂善好施者參入其中殊失輕重茲特釐剔以捐銀米爲好義者俱移入善良一門

一 善良從來志書無此名目舊志特增此門自

國朝始蓋其人士農兼備其事不出鄉里未便列於別傳今此等正復不少依例增入亦與人爲善之意云

一志中所載人物類必蓋棺論定舊志善良一門間有現存而附入者非體例也惟耆農年已耄艾且曾受

朝廷恩典間登一二外此則斷無此例也

一凡節婦守節年分合例便得請

旌表今亦酌量至年五十以上卽與載入蓋至此可信其無他舊志所載不分已旌未旌茲特分載已旌者在前次則官師給匾及未旌表者

一舊志列女傳在流寓之後遊俠之前未免混淆無別茲移置人物最後另爲一冊以厚別也

一農官耆老舊志附于禮樂甚無謂也茲特移置人物之後

一古今藝文有關杞邑者耳目所及悉心哀採吉光片羽白狐千腋俱足備藝林一得也舊志所採詩歌多有不切地方事跡及詞不雅馴者概爲刪改其有詩未甚佳而於地方有關係者則亦存之蓋與專于選詩者不可一例論也識者諒之

一是編分十二門共二十四卷較舊志增三分之一卷帙旣繁蒐緝匪易所有分纂分校採訪諸君子具費心力何敢攘美謹各列姓氏于卷端以見

杞縣修志姓氏

總裁

兵部尚書兼都察院右都御史總督湖南湖北仍撫

河南等處地方提督軍務兼理河道督糧馬三級畢沅

秋昨江蘇總督兼安徽休寧人康慶然

提調

河南等處承宣布政使司布政使加三級景安

滿洲鎮紅旗人

河南等處提刑按察使司按察使統轄全屬傳事務加三級陳奉茲

東浦江西德化人辰

河南開歸等處督理通省鹽法水利糧務道加三級劉文徵

淑華河南武岡人己丑

分巡河南開歸陳許等處兼理河務兵備道加三級善泰

東瞻滿洲正紅旗人

開封府知府加一級武先慎

炳南山西太谷人丙子

纂修

候補同知知杞縣事加一級周璣

王圃湖南桂陽人巳卯

叅訂

候選知縣前景山教習庚子科舉人朱璿

元圃江南人

丙午科舉人候選知縣徐嵩

朗齋江南人

歲貢生候選訓導朱良鐸

悟亭湖南人

杞縣儒學教諭羅承祖

輝縣人廩貢

杞縣儒學訓導崔一機

許州人舉人

杞縣丙午科舉人候選知縣侯資燦

崑崙

督理

杞

縣

千

總全維新

杞

縣

典

史朱景賦

江浦人

採訪

杞

縣

歲貢

候選

訓導段武

望

杞

縣

歲貢

候選

訓導王筵

趙度

杞

縣

生

員侯書遠

佩事

杞

縣

生

員耿孝直

上聲

杞

縣

生

員務如霖

時若

杞

縣

生

員張鶴年

際星

杞

縣

生

員張繼文

顯謨

杞

縣

生

員牛振統

簡齋

杞

縣

生

員霍金然

杞

縣

生

員陳錫泰

杞

縣

生

員秦企函

杞

縣

生

員徐莢

杞

縣

生

員侯斯樅

杞

縣

武

生楊扶霄

靈暉

杞

縣

武

生楊報吉

杞

縣

監

生孔傳孟

鳳池

校閱

杞縣丁酉科拔貢候選訓導侯鵬利西

杞縣生員侯仔重遠到

杞縣生員侯鵬鳴西

杞縣生員潘中大闊巷

杞縣生員翟步羸清溪

杞縣生員孟干桐魚門

杞縣生員趙增珩

杞縣生員侯澄圖湛如

杞縣生員孟干松

邑人侯文照曉堂

繪圖

邑

人侯宗麟

宿弱

督工

禮

房田道隆

杞縣志目錄

卷之一

聖製

卷之二

天文志

星圖
附異

分野

躔度

星氣

卷之三

地理志上

沿革

封建

古蹟

卷之四

地理志下

疆域

山川

水利

卷之五

邑系志

目錄

建置志

城池
學宮
書院
衙署
倉庫
公署
壇廟
寺觀
坊表
橋梁

卷之六

禮樂志

秩祠
鄉飲

卷之七

田賦志

賦稅
漕糧
戶口
地畝
存留
支發
河夫
鹽課

卷之八

風土志

風俗
物產

卷之九

職官志

刺史
縣令
縣佐
治屬
教諭
訓導
名宦

卷之十

選舉志上
薦人

卷之十一

選舉志下

秀才
武科

恩拔
誥封

副成
任子

例貢

例監

卷之十二

武備志

兵防

器械

烽堠

驛遞

軍衛

卷之十三

人物志一

古聖

名儒

忠烈

直諫

卷之十四

人物志二

事功

循績

卷之十五

人物志三 孝友 篤行

卷之十六

人物志四 文苑 武功

卷之十七

人物志五 隱逸 善良

卷之十八

人物志六 游俠 流寓 方伎 耆農

卷之十九

列女志上 后妃 名媛 義烈 烈女 烈婦
孝女 孝婦 賢婦

卷之二十

列女志下

卷之二十一

藝文志一

碑記

卷之二十二

藝文志二

銘讚
辨引

頌

疏

表

傳

志

文

卷之二十三

藝文志三

詩歌

卷之二十四

叙錄志

舊志序

書籍目

舊修志敘

卷八

卷八

卷八

卷八

卷八

卷八

卷八

卷八

杞縣志

全圖考


縣城圖
河渠圖

學宮圖

縣署圖

縣境圖


周禮職方氏掌邦國之圖籍凡山川夷險都邑關隘
無不悉具蓋惟有圖而展卷了然可以考建置之興
廢焉可以見境治之所至焉可以見道路之遠近焉
可以見田土上下水利之所宜焉可以見形勢扼要
之所在焉前志圖故未備又學宮官署以至鄉社等
俱重新更改不一茲特屬能手悉心增繪弁諸簡端
俾蒞茲土者瞭如指掌撫而治之何有



巴縣志


縣城圖







訓導署 內宅








利縣志





馬頭

肥田寨

王士廟

裴村橋

東官通溝

鐵裏河

傅家集溝

水雖

河濟惠

滯道官西

潘落聚

河黃舊

口岔五

已系志

河渠圖





杞縣志卷之一

聖製

粵自典謨誓誥類皆帝王之文用以利民生施教
化是訓是行羣黎徧德所從來遠矣我

朝自

列聖相承重熙累洽渙汗所頒德意至深極厚祀在中邦
隸首府率先奉

詔煌煌

天語已光簡冊我

皇上肇承大統五十三年以來尤多

愷澤頻發

德音凡風俗利病水旱賑恤靡不委曲周至恭繹

寶訓弁諸卷首使屬在臣民俱爲之感激讚歎忭舞而
不能已也志

聖製

順治九年

世祖章皇帝訓飭士子臥碑文

朝廷建立學校選取生員免其丁糧厚以廩膳設學院
學道學官以教之各衙門官以禮相待全要養成

賢才以供

朝廷之用諸生皆當上幹

國恩下立人品所有教條開列於後

一生員之家父母賢智者子當受教父母愚魯或有
非爲者子既讀書明理當再三懇告使父母不陷
於危亡

一生員立志當學爲忠臣清官書史所載忠清事蹟
務須互相講究凡利國愛民之事更宜畱心

一生員居心忠厚正直讀書方有寔用出仕必作良
吏若心術邪刻讀書必無成就爲官必取禍患行
害人之事者往往自殺其身當以思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已之事止許家人代告不許干預他人詞訟他人亦不許牽連生員作証

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心訓教勿致怠惰

一軍民一切利病不許生員上書陳言如有一言建

白以違制論黜革治罪

一生真不許糾黨多人立盟結社把持官府武斷
曲所作文字不許妄行刊刻違者聽提調官治罪
順治十七年

特恩蠲免河南租稅詔

自古帝王統御寰區黎安兆姓治效已臻則與天下
共樂昇平化理未奏則以身克責敬

天勤民道不越朕荷

皇天眷佑纂承

祖宗宏緒夙夜兢兢力圖治安十七年於茲乃民生尙
未盡遂貪吏尙未盡敗漁野版圖而伏莽未靖

征調猶繁疾苦時告拯恤
反覆思維皆朕不德
負

上天之簡卑愧

祖宗之寄託虛

皇太后教育之恩負四海萬民之望每懷及此罔敢即安

茲於順治十七年正月二十二十二十三日祭

告

天地

太廟

社稷抒忱引咎自今以後元旦冬至壽節天下慶賀表

皇太后前照常恭進朕前表章暫行停止特簡恩赦如惠
元元

一順治十六年以前直省拖欠錢糧差廉幹滿官前往
清察果係拖欠在民者俱與蠲免如係官吏侵欺者
不准援赦濫及

一派徵錢糧俱照萬厯年間則例其天啟崇正年間加
增盡行蠲免通行已久如有貪官污吏例外私派多
徵擾民者該督撫按官糾叅重處

順治十年

世祖章皇帝祭劉理順文

維順治十年十月二十六日

皇帝遣禮部右侍郎兼內翰林國史院學士高珩諭祭故
明左中允今諡文烈劉理順之靈曰仗節死義臣子
以盡節爲先闡微表幽國典以敦忠爲大爾故明左
中允劉理順品端圭璧業富縹緗奮跡衡門宿志不
不求溫飽橫經丹地正學無愧科名望已重於當時誼
更貞於末造闔門殉難身家具見修齊十載沉埋俎
豆誰憐煙草爰採輿論用表孤忠嗚呼騎箕化碧畱
節義於千秋崇祠易名昭榮施於萬禩爾靈不昧尚

克勤

康熙二十四年

聖祖仁皇帝蠲免河南等省錢糧

上諭朕惟自古帝王統一寰區懋宣德化必子惠黎元勤求民瘼俾幹止寧成家給人足而後世躋雍熙治登上理朕御極以來宵旰圖治未敢卽安切念民依思培邦本雖編氓漸得遂生而閭閻正資惠養欲使群生樂利比戶豐盈惟頻行減賦蠲租庶萬姓得沾惠惠前此用兵以來河南湖北兩省人民轉輸供億勞費繁多特沛仁恩以昭軫恤所有康熙二十五年應

徵地丁各項錢糧着與蠲免一半其康熙二十四年未完地丁銀糧亦着盡與豁除又直隸獻縣河間縣河間衛江南宿遷縣興化縣邳州鹽城縣高郵州山東剡城縣魚臺縣地方今年重罹水災小民艱苦亦應加恩軫恤所有康熙二十四年下半年二十五年上半年地丁錢項錢糧俱與豁免爾部速此該地方官速行曉諭務使人人均被恩膏以副朕愛育蒼生至意如有不肖有司官役借端濫混及私行重徵者該督撫指名題叅從重治罪如該督撫徇隱不行糾舉或經叅奏或被告發定行一併從重治罪爾部卽

遵諭行特諭

康熙三十年

特恩蠲免河南等省錢糧

上諭朕孜孜圖治軫切民依閭閻耕穫時勤諮訪其有以
荒歉上聞者或蠲或賑旋即施行務令得所念河南
一省連歲秋成未獲豐稔非沛特恩蠲恤恐致生計
艱難康熙三十一年錢糧着通行蠲免並漕糧亦着
停徵至山西陝西被災州縣錢糧除照分數蠲免外
其康熙三十一年春夏二季應徵錢糧俱各緩至秋
季徵收用稱朕眷愛黎元撫綏休養至意爾部卽遵

諭行特諭

康熙三十年

聖諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠匿逃以免株連

完錢糧以省催科

聯保甲以弭盜賊
角讐忿以重身命

康熙三十年

御製碑

至聖先師孔子贊弁序

蓋自三才建而天地不居其功一中傳而聖人代宣
其蘊有行道之聖得位以綏猷有明道之聖立言以
垂憲此正學所以常明人心所以不泯也粵稽往緒
仰邇前徽堯舜禹湯文武達而在上兼君師之寄行
道之聖人也孔子不得位窮而在下秉刪述之權
道之聖人也行道者勲業炳於一朝明道者教思

於百世堯舜文武之後不有孔子則學術紛淆仁
湮塞斯道之失傳也久矣後之人而欲探二帝三
之心法以爲治國平天下之準其奚所取衷焉然
孔子之爲萬古一人也審矣朕巡省東國謁祀
景企滋深敬擒筆而爲之贊曰

清濁有氣剛柔有質聖人參之人極以立行著
舍道莫由惟皇建極惟后綏猷作君作師垂統萬
日惟堯舜禹湯文武五百餘歲至聖挺生金聲玉
集厥大成序書刪詩定禮正樂旣窮象繫亦嚴筆
創上紹往緒下示來型道不終晦秩然大經百家紛

殊途異趣日月無踰羹牆可晤孔子之道惟中與庸
此心此理千聖所同孔子之德仁義中正秉彝之好
根本天性庶幾夙夜勗哉令圖溯源洙泗景躅唐虞
載歷庭除式觀禮器摘毫仰贊心焉遐企百世而上
以聖爲歸百世而下以聖爲師非師夫子惟師於道
統天御世惟道爲寶泰山巖巖東海泱泱牆高萬仞
夫子之堂孰窺其藩孰窺其徑道不遠人克念作聖
復聖顏子贊

聖道早聞天資獨粹約禮博文不遷不貳一善服膺
萬德來萃能化而齊其樂一致禮樂四代治法兼備

用舍行藏王佐之器

宗聖曾子贊

洙泗之傳魯以得之一貫曰唯聖學在茲明德新民
止善爲期格致誠正均平以推至德要道百行所基
纂承統緒修明訓辭

述聖子思子贊

於穆天命道大
於原靜養動察
庸德庸言以育
萬物以贊乾坤
九經三重大法
是存篤恭愼獨
成德之門
卷之藏密攢之無垠

亞聖孟子贊

哲人既萎楊墨昌熾子輿闢之曰仁曰義性善獨聞
知言養氣道稱堯舜學屏功利煌煌七篇並垂六藝
孔學攸傳禹功作配

康熙五十年

特恩通蠲直隸各省等處錢糧

上諭朕誕膺大統撫育寰區夙夜孜孜不自暇逸凡以爲
民也勤圖利濟休養生全卽無水旱之虞時布寬仁
之政蠲租除賦務使遐方率土無不均霑或值雨暘
偶愆出帑發粟多方賑恤其有益於吾民者靡弗備
舉而亟行之以昭朕殷懇周詳之至意前四十九年

所頒諭旨申晰甚明原欲將五十年天下錢糧通行蠲免以諸臣集議恐需用兵餉撥解之際兵民驛遞益致煩苦故自五十年爲始三年之內全免一週除將直隸奉天等九省康熙五十年地丁錢糧一概蠲免及歷年舊欠錢糧一并免徵外山西河南陝西甘肅湖北湖南各撫屬除漕項外五十一年應徵地畝銀共八百四十萬四千兩有奇人丁銀共一百二十萬八千一百兩有奇着察明全免並歷年舊欠共五十四萬二千三百兩有奇亦俱着免徵其五十二年應豁省分至期候旨行民間舊欠旣經蠲免嗣後每

年額徵錢糧務如數全完倘完不及額或有虧空
稱民欠卽責令督撫以下官員償補仍從重治罪該
督撫須實心力行期副朕惓惓愛民之意如有指稱
事故侵欺科派事發之日必嚴行究治諭旨到日遍
示城郭鄉村深山窮谷咸使知悉爾部卽遵諭行特
諭

雍正元年

世宗憲皇帝

上諭知府國家親民之官莫先於守令蓋州縣官與民最
親而知府又與州縣官最親凡州縣興利除弊之事

皆於知府有專責焉是知府一官分寄督撫監司之耳目而爲州牧縣令之表率承流於上宣化於下所繫綦重矣漢宣帝有曰太守吏民之本也又曰庶民所以安其田里而無歎息愁恨之心者政平訟理也與我共此者其惟良二千石乎故兩漢循良稱盛而賢守尤多龔黃召杜諸人大都皆廉潔和平正身率屬以與民休養生息史稱其所居民富所去民思此皆彰明較著者也

皇考澄肅官方慎簡僚吏知府中有政績茂異聲名著聞者必加優眷數年之間卽膺殊擢所以鼓勵循良務

令羣黎受福爾等蒙

皇考簡用之恩受國家民社之寄地方不甚遼遠則於民間之疾苦可以周知勢分不甚懸殊則於屬下之賢否可以洞悉爾果廉正自持屏絕賄賂則督撫監司必不致肆行需索而州牧縣令亦不敢恣意貪婪近聞州縣火耗任意加增罔知顧忌以小民之脂膏飽貪吏之谿壑由爾不能卻遺金於暮夜又安能禁屬吏之濫徵乎盤查倉庫必須覈實不可視爲故事乃或借盤查之名勒索餽遺是因盤查而虧空愈甚矣爾能時勤勸誡加以體恤則州縣可無虧空之虞能

制節謹度淡泊是安則爾亦可免虧空之累勸農課
桑以厚風俗禁戢強暴以安善良平情聽斷以清獄
訟皆爾職守之所當盡者至於督撫舉劾州縣必由
爾之詳揭務須秉公持正勿涉偏私若善於逢迎者
從而庇護薦拔之而端方恬靜之人故爲摧抑下吏
皆苟且營私以求容悅地方之事尙可問乎居官者
每有初入仕途清操自矢漸登華要頓改初心旣知
砥勵廉隅卽當始終一節更有巧於仕宦者人每謂
其名實兼收朕最不解此語夫名者實之華果能潔
己愛民奉公盡職此所謂實也治行稱首民歌輿頌

此所謂名也實至而名隨之如本立而華茂焉若
取虛譽爲名而以封殖多藏爲實此則小人之尤更
甚於貪黷彰聞之輩矣朕纘承大統夙夜祇懼惟恐
有負

皇考付託之重深冀爾等各體此意精白乃心以古循良
自勉若循私納賄不能率屬愛民貽害地方蔑視憲
章三尺具在朕不能爲爾等寬也特諭

諭知州知縣朕惟國家首重吏治爾州牧縣令乃親民
之官吏治之始基也貢賦獄訟爾實司之品秩雖卑
職任綦重州縣官賢則民先受其利州縣官不肖則

民先受其害膺茲任者當體

朝廷惠愛元元之意以養民爲先務周察部屋緩輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書云民惟邦本本固邦寧夫所以固邦本者在吏治而吏治之本在州縣苟州縣之品行不端猶基不立則室不固庸有濟乎

皇考臨御六十一年灼知州縣之重特行引見咨詢明試至詳至愼其有廉能之員每不次超擢以示鼓勵今

海內羣黎皆

考所懷保也朕膺

皇考之治功惟爾州縣諸臣具有父母斯民之責其爲朕
立之基址以固邦本焉誠能潔已奉公實心盡職一
州一縣之中興仁興讓教孝教忠物阜民安刑清訟
簡朕將升之朝宁用作股肱如或罔念民瘼恣意貪
婪或朘削肥家或濫刑逞虐或借刻以爲清或恃才
而多事或諂媚上司以貪位或任縱胥吏以擾民或
徇私逞欲以上虧國帑王章具在豈爾貸歟更有任
州縣時私肥已橐而漫云且俟顯要方立名節者其

與初市清名晚而改操之人何以異哉至於銀糧關
係尤重絲毫顆粒皆百姓之脂膏增一分則民受一
分之累減一分則民沾一分之澤前有請暫加火耗
抵補虧空帑項者

皇考示諭在廷不允其請爾諸臣共聞之矣今州縣火耗
任意加增視爲成例民何以堪乎嗣後斷宜禁止或
被上司察核或被科道糾叅必從重治罪決不寬貸
夫欲清虧空之源莫如節儉正直節儉則用無不足
正直則上官不可干以私若朘小民之生以飽上官
之貪欲冒不測之罪以快一時之奢侈豈抵虧兼暢

爲民父母之道乎爾州縣等官其恪共乃職勿貽罪戾毋謂地遠官卑朕不及察其賢否也特諭

雍正四年

上諭訓飭士子碑

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾樸棧作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者

先立品行次及文學學術事功源委有敘爾諸生幼
聞庭訓長列宮牆朝夕誦讀寧無講究必也躬行實
踐砥礪廉隅敦孝順以事親秉忠貞以立志窮經考
業勿雜荒誕之談取友親師悉化驕盈之氣文章歸
於醇雅勿事浮華軌度式於規繩最防蕩軼子衿佻
達自昔所譏苟行止有虧雖讀書何益若夫宅心不
淑行已多愆或蜚語流言脅制官長或隱糧包訟出
入公門或唆撥姦猾欺孤凌弱或招呼朋類結社邀
盟乃如之人名教不容鄉黨不齒縱幸脫褫扑濫竊
取錄返之於果

無愧乎此
科名乃論十大典

關係尤鉅士子果有實學何患困不逢年困不逢年
虛名暗通聲氣夤緣詭遇罔顧身家又或改竄鄉貫
希圖進取囂凌騰沸網利營私種種弊端深可痛恨
且夫士子出身之始尤貴以正若茲厥初拜獻便已
作姦犯科則異時敗檢踰閑何所不至又安望其秉
公持正爲國家宣猷樹績膺後先䟽附之選哉朕用
嘉惠爾等故不禁反復惓惓茲訓言頒到爾等務共
體朕心恪遵名訓一切痛加改省爭自濯磨積行勤
學以圖上進國家三年登造束帛弓旌不獨爾身有
榮卽爾祖父亦增光寵矣逢時得志寧俟他求哉若

仍視爲具文玩愒勿傲毀方躍冶暴棄自甘則是爾等冥頑無知終不能率教也。負栽培復干咎戾王章具在朕亦不能爲爾等寬矣。自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷。否則職業勿修咎亦難追。勿謂朕言之不預也。爾多士尙敬聽之哉。

雍正四年

特恩倍賞壽民建坊銀兩諭

杞縣民蕭俊德年屆一百一十八歲實爲希有之事著於定例賜坊銀三十兩外加增兩倍共賞銀九十

兩以元特恩嗣後年至一百一十歲者加倍賞賜
至一百二十歲者加兩倍賞賜更有多得壽筭者按
其壽筭加增著爲定例

雍正五年

聖世河清普天同慶諭

覽諸王大臣等奏稱河水澄清二千里期逾兩旬爲
從來未有之端懇請陞殿慶賀朕嘗言天下至大庶
務至繁斷非人主一身所能經理必賴內外臣工協
力贊襄然後可以成一道同風之盛若上有涼德之
主而下皆臯夔稷契之臣則工虞水火佐理有人政

務亦不患其不舉若上有堯舜之主而下皆共工驩
兜之輩則耳目股肱無所資藉政務亦必至於廢弛
故人君之道以得人爲要而人臣之道以奉職爲先
此一定之理也朕統臨萬方雖刻刻有勵精圖治之
念然必賴內外臣工共矢公忠各殫才力然後有實
政實效及於吏治民生方可以感

天和而錫繁祉不然則朕雖有勤政之念豈能事事躬親
辦理之也今見數年之中荷蒙

上天

皇考默佑疊錫嘉祥茲又有河清之上瑞朕細惟天人感

應之理自非無因應是內久臣工有體朕宵衣旰食
之懷洗陽奉陰違之習分猷効職有數端之善止令

昊天

皇考之心是以錫此福慶以勵將來爾等試再思之人事
甫修僅有數端之善卽邀

上天

皇考之嘉貺若此倘能益竭忠誠事事皆善則其獲福又
當何如或由此而侈然自足怠惰前修則其獲譴又
當何如可不慎乎可不懼乎况天道惡盈朕心方且
因此益加戒儆所請慶賀典禮朕必不行朕念君臣

之間實屬一體

上天

皇考既垂訓於朕朕卽以此訓及諸臣

上天

皇考既賜福於朕朕卽以此福及諸臣凡屬京官自大學士尙書以下主事以上內大臣都統前鋒統領護軍統領步軍統領以下叅領以上凡屬外官自督撫以下知縣以上武官自將軍提鎮以下叅將以上俱著加一級其王公等管理部院都統事務者應如何加恩之處著宗人府議奏自茲以往內外臣工當益加

匪勉精白乃心和衷共濟矢勤矢慎秉公去私凜
天鑒之匪遙念感應之不爽以至誠至敬仰承

上天

皇考之眷佑則受福孔多永永弗替勉之勉之

雍正六年

恩賞義民翟世有頂帶銀兩

上諭據河南總督田文鏡奏摺內稱河南府孟津縣天平
街住民翟世有以耕種爲業雍正六年四月初三日
有陝西三原縣人秦泰販買棉花携銀一百七十兩
遺失在路翟世有赴地耕作見而拾獲欲俟原主尋

我給還守候一日及歸告知伊妻徐氏徐氏亦勸夫給還至次日始見秦泰招帖遂報明鄉地將原銀給與絲毫不取秦泰因招帖原有均分之約且感其恩惠欲踐約酌謝而翟世有固辭不受似此義舉清操寔爲難覩已經給匾賞銀並飭縣立碑以示獎勵謹具摺奏聞等語夫天下之治平在乎端風俗而風俗之整理在乎正人心倘人之存心果能守法奉公自安分知足則不貪苟得之財不爲非理之事義影無愧俯仰寬舒而和氣致祥自然灾害潛消諸福畢至子孫並獲安享所謂積善之家必有餘慶也乃若存

心不端。暇時苟且損人利己。巧取貪求。雖獲目前之微利。而違背天理。暗中必遭天譴。得此失彼。不足補償。又或心存妄想。輕棄鄉閭。以致困苦饑寒。殆爲匪事。或身填溝壑。干犯刑章。子孫流離。莫歸故土。所謂積不善之家。必有餘殃也。古訓昭垂。確乎不爽。朕愛養黎元。教誨諄諄。至詳且悉。惟期薄海內外。革薄從忠。以成蕩平正直之治。而地方大吏有司等。旣不能躬行禮讓。以爲民之倡。復不能懇切周詳。以宣朕之訓。是以還淳返樸之風不多。概見朕心。竊企望之。今見孟津翟世有之事。乃風俗轉移之明徵。國家寔在

之祥瑞也朕心深爲嘉悅田文鏡化道獎勵之功亦
於此可見蓋秉彝好德人心所同十室之邑必有忠
信宇宙之大兆民之廣豈無崇廉尙義之人祇因大
吏有司不以民風淳薄爲念或遂至於湮沒不彰而
果能化導訓迪於平時而遇忠孝節義之人必敬禮
表揚以爲衆人之勸則奮發興起豈不成比戶可封
之俗乎翟世有着給與七品頂帶仍賞銀一百兩以
旌其善凡人境遇之豐嗇貧富皆有一定之數不可
以倖而致假若貪者有餘而廉者不足則是定數不
可而天道不可問矣有是理乎無奈世人貪心一

遺金便爲古今罕觀之事如翟世有者乃耕田力作
之農民耳未必備讀先聖之詩書取法古人之行誼
而天性樸誠不欺暗室用能化導其妻共成義舉是
以神明默佑揚表芳徽令聞達於朝廷拜章服帑金
之賜且將揚名於史冊流譽於無窮倘但計一時之
利所得不過百餘金爲數幾何用輒易罄以今日之
榮名較之其多寡豈啻霄壤之分哉觀翟世有之一
節必其平日存心忠厚正直公平是以上蒙天鑒錫
茲美事倘人人觀感興起皆能如此存心則不但成

讓路讓畔之休風而本人亦必受上蒼之嘉祐荷國家之恩榮詎不美歟上年京城內有鋤草夫役名六十一者於伊草內拾得銀五十兩不肯私取當官呈出隨經該管官員奏聞朕已降旨獎賞此事與翟世有之還金相類翟世有六十一皆齊民也而能戒貪知足砥礪廉隅彼居官者身列縉紳群黎賴其表率爲士者名標庠序百姓奉爲楷模而乃暮夜餽遺婪賂納賄公門出入網利營私不守官箴不端士品今聞翟世有六十一之事其能無愧於心乎朕爲人心風俗起見特將田文鏡奏習發出頒此諭旨當內卜

地方官員通行曉諭所屬官民人等知之

雍正七年

特恩蠲免河南錢糧

上諭總督田文鏡公忠歷練自蒞任豫省以來撫綏化導以實政實心爲察吏安民之本是以風清弊肅吏畏民懷地方舒暢之氣感召

天和數年之中年穀悉登豐稔該督之功實爲可嘉兼該省紳士庶民風俗向來醇樸又能遵封疆大臣之教人人向義輸忠以受

上天之恩寔可謂良民矣夫因荒歉而蠲免正賦者乃賑

窮恤困之意若羣黎共敦善行以迓

天庥屢歲有秋災祲不作則賞善旌良朕之加恩沛澤更爲愉快着將豫省雍正七年額征錢糧蠲免四十萬兩總督田文鏡可確查分數通行所屬州縣一體遵奉使閭閻均沾寔惠朕廣收人材以資吏治每年保舉引見之時覺豫省之人較少大約豫省士風器量謹厚有餘而才具明通不足今欲加以策勵以備國家政事之用着田文鏡通行所屬府州縣選其才猷可供任使者不拘人數資格秉公舉出該督再加遴選具題奏聞送部引見又念中州之民務本力田勤

於耕作書經曰若農服田力穡乃亦有秋正今日豫
省之謂也着該督於常例歲舉老農外再令所屬每
處各舉一人給以八品頂帶以示優獎並將朕旨曉
諭遠鄉僻壤之民共知之特諭

雍正十一年

特恩捐河南地丁錢糧四十萬兩

上諭據河南署撫孫國璽奏報豫省歷年耗羨銀兩除本
地公私支用外現存司庫銀七十萬兩有零又社倉
存貯穀麥等項共計二十八萬石有零等語此皆原
任總督田文鏡在任多年殫心經理之所儲蓄者從

前提解耗羨之時本是澄清吏治體養民生之意屢降旨此項出自民間若本地公用充裕之時朕仍當加恩本地官民使之需被惠澤不令歸諸公帑也今豫省存貯耗羨既有七十萬兩之多而該省官員等每年所得養廉又已敷用無須再為增添正當加惠閭閻俾令邀恩於格外着將河南本年地丁錢糧蠲免四十萬兩卽以存貯之耗羨銀照數撥補還項該督王士俊可督率有司敬謹奉行使豫民均沾實惠大凡耗羨多餘之省該督撫藩司等往往不甚愛惜隨數用去並不為百姓計而存樽節之心卽如晉省

巡撫着庸每年至三萬兩濟司至一萬三千兩
沿以爲固然若伊等留意民生諸凡早爲節省則儲
蓄充盈亦可爲加惠編氓之助矣特諭

雍正十三年

特恩寬免以前積欠錢糧

上諭各省民欠錢糧十年以上者已於恩詔內概予蠲免
其餘未完民欠尚係應徵者朕思續緒方初惟當繼
述我

皇考惠養黎元之至意俾服疇力穡之人均沐恩膏積逋
全釋若未蠲之項尚事徵收民間不無煩擾茲特再

行降旨於恩詔外將雍正十二年以前各省錢糧寔欠在民者一併寬免從前江南積欠錢糧內曾有官侵吏蝕二項乃從民欠中分出者比時差往大臣官員辦理原不妥協亦着照民欠例寬免此朕仰體

皇考誠求保赤之仁深願吾民正德厚生之意各省軍民人等身受國恩至渥自應感動天良屏除陋習明守法奉公之大義循則壤成賦之常經共爲良民免追呼之擾累倘疲玩性成不知悛改則是吾民中最爲愚頑之人旣無畏威之念亦鮮懷德之心國法具在朕亦不能爲之寬貸也爾等卽交部遵行欽此

雍正十三年

恩定分數徵收以爲各官養廉

上諭向來州縣徵收錢糧因銀色有傾銷之耗折解送有
路途之盤費故於正項之外徵收耗羨原無定額其
廉潔者尚知自愛不肖者任意徵求而督撫以至道
府等員於中收受節禮陋規互相容隱弊難究詰嗣
經巡撫諾敏田文鏡倡爲提解歸公之法各該督撫
就本省情形酌定分數徵收以爲各官養廉及地方
分事之用除所定分數外絲毫不許濫徵蓋以耗羨
原屬額外之項與其聽地方官私行徵取不如明定

分數使有節制不敢違越也然在未提解以前尙爲私項旣提解以後或恐不肖官員視同正課又得於耗羨之外巧取殃民從前

皇考洞見流弊屢降諭旨欲俟將來虧空全清府庫充裕之日漸減漸革

聖心厯念未或忘之朕紹承大統念切民依孜孜軫恤日與王大臣等悉心籌畫期使吾民於正項之外絲毫無擾而一時勢有未能尚須從容計議惟是提解耗羨之法行之已十有餘年恐日久弊生奸吏夤緣剝削耗外加耗重困閭閻不可不爲深慮着各該督撫

嚴飭有司咸體朕意知耗羨一項可減而決不可增
可於額內從寬而斷不可於額外多索倘於所定分
數之外或又借估色或又借添數爲名多取絲毫者
該督撫卽題參重治其罪倘督撫徇隱不舉行或經
科道糾參定將該督撫等一併嚴加議處再各省耗
羨分數率在加一上下然江南賦重之區如蘇松常
鎮四府額賦較之他省幾及數倍雍正六年以前每
兩加耗僅止五分雍正六年以後增至加一且有司
又復巧取苛索民何以堪其令江南督撫詳加酌定
量減分數徵收不得仍前重耗困民倘敢陽奉陰違

朕必於該督撫是問特諭

雍正十三年

特恩蠲免錢糧分惠佃戶

上諭朕臨御以來加惠元元將雍正十二年以前各省民

欠錢糧悉行寬免誠以民爲邦本治天下之道莫先

於愛民愛民之道以減賦蠲租爲首務也惟是輸納

錢糧多由業戶則蠲免之典大槩業戶邀恩者居多

彼無業貧民終歲勤勤按產輸糧未被國家之恩澤

尚非公溥之義若欲照所蠲之數履畝除租繩以官

法則勢有不能徒滋紛擾然業戶受朕惠者十苟損

其五分惠佃戶亦未爲不可近聞江南已有嚮義樂輸之業戶情願蠲免佃戶之租者閭閻興仁讓之風朕寔加悅其命所在有司善爲勸諭各業戶酌量寬減彼佃戶之租不必限定分數使耕作窮民有餘糧以贍妻子若有素封業戶能善體此意加惠佃戶者則酌量獎賞之其不願者聽之亦不得勉強從事此非捐修公項可比有司當善體朕意虛心開導以興仁讓而均惠澤若彼刁頑佃戶藉此觀望遷延則仍治以抗租之罪朕觀天下業戶佃戶皆吾赤子恩欲其均也業戶沾朕之恩佃戶又得拜業戶之惠則君

民一心彼此體恤以人和感召

天和行見風雨以時屢豐可慶矣特諭

乾隆元年

特恩整飭書院成就人才

上諭書院之制所以導進人才廣學校所不及我

世宗憲皇帝命設之省會發帑金以資膏火恩意至渥也

古者鄉學之秀始升於國然其時諸侯之國皆有學

今府州縣學並建而無遞升之法國子監雖設於京

師而道里遙遠四方之士不能胥會則書院卽古諸

侯之學也居講席者固宜老成宿望而從遊之士亦

必立品勤學爭自濯磨俾相觀而善庶人才成
備朝廷任使不負教育之意若僅攻舉業已爲儒者
末流况藉爲聲氣之資游揚之具內無益於身心外
無補於民物卽降而文章成名足希古之立言者亦
不多得寧養士之初旨耶該部卽行文各省督撫學
政凡書院之長必選經明行修足爲多士模範者以
禮聘請負笈生徒必擇鄉里秀異沉潛學問者肄業
其中恃才放誕佻達不羈之士不得濫入書院中酌
倣朱子白鹿洞規條立之儀節以檢束其身心倣分
年讀書法予之程課使貫通乎經史有不率教者則

擯斥勿畱學臣三年任滿諮訪考檢如果教術可觀
人材興起各加獎勵六年之後著有成效奏請酌量
議叙諸生中才器尤異者准令薦舉一二以示鼓舞
特諭

乾隆十年

特恩蠲免直省應徵錢糧

上諭我朝

列聖相承深仁厚澤無時不加意培養元元以期家給人
足百年以來薄海內外物阜民安共享昇平之福朕
臨御天下十年於茲撫育蒸黎民依念切躬行儉約

薄賦輕徭孜孜於保治之謨不敢稍有暇逸常守節
用愛人之訓凡以爲民也今寰宇敕寧旣鮮糜費之
端亦無兵役之耗所有解部錢糧原爲八旗官兵及
京員俸餉之所共需計其所給較宋時養兵之費猶
不及十之一二至于各處工程爲利民之舉者亦祇
取給於存公銀兩卽朕偶有巡幸賞賚所須亦屬無
幾是以帑藏尚有餘積數年來直省偶有水旱朕加
恩賑濟多在常格之外如前年江南被水撫綏安插
計費帑金千餘萬兩凡此皆因災傷補救而沛恩澤
者朕思海宇乂安民氣和樂持盈保泰莫先於足民

况天下之財止有此數不聚於上卽散於下仰惟我
皇祖在位六十一年蠲租賜復之詔史不絕書又曾

特頒恩旨將天下錢糧普免一次我

皇考旰食宵衣勤求民瘼無日不下減賦寬徵之令如甘
肅一省全行豁免者十有餘年此中外所共知者朕
以繼志述事之心際重熙累洽之候欲使海澨山陬
一民一物無不均沾大澤爲是特諭降旨將乾隆丙
寅年直省應徵錢糧通行蠲免其如何辦理之處着
大學士會同該部卽速定議具奏欽此

乾隆十一年

特恩蠲免耗羨錢糧

上諭朕愛育黎元格外加恩將各省錢糧普免一次以爲休養愛民之計經大臣等酌議國家每年一定之經費皆取資於正賦應將各省分作三年蠲免則經費有賴而先後之間萬民均沾膏澤至於耗羨乃有司養廉及辦理公務之所必需應令照舊輸納朕已允行今思朕之逾格蠲免天下正賦者所以藏富於民且使閭閻之間終歲不聞催科之聲也今正賦旣免而羨耗又令完納是官民仍有交關猶不免追呼之擾不若將蠲賦之年應徵耗羨一併緩至開徵年

按數完納使小民於交關之日完此些須不必兩次
伺候於公庭亦體恤民情之意着該部卽遵諭行並
將公用不敷之處作何撥抵酌議辦理各省督撫當
董率有司善爲之勿因此又別生弊端也欽此

乾隆三十一年

特恩蠲免漕糧

上諭朕統御萬民孜孜求治惟以愛育黎元爲念自御
極以來蠲賜所逮不下千億萬乾隆十年曾恭依

皇祖普免直省錢糧恩例蠲免天下額徵正賦二千八百

萬有奇期斯民家給人足咸臻樂利惟歲運漕米向

以供給兵餉庫糶之用非水旱特蠲例不普免夫
政以食爲先閭閻蓋藏尤資饒裕恭閱

皇祖寔錄康熙三十年

特頒恩旨將各省起運漕糧通行蠲免一週大澤均沾慶
逾常格仰惟

皇祖冲齡踐祚臨御之三十年春秋未及四十朕年二十
有五始登大寶膺祺受祉迄今已閱三十年際重熙
累洽之會必世昌期均符泰運其爲慶幸倍深茲荷
蒙

上天眷祐

列聖鴻庥函夏謐寧疆域式闢北庭西域二萬餘里咸隸
版圖外有耕屯之獲內無餽餉之勞且連歲年穀順
成庶物豐殖京通倉貯儘有餘粟

天旣誕貽樂歲惠洽昇平朕首當仰體

天心以推恩黎庶是用敬承嘉貺懋繼

前謨使薄海億兆並裕倉箱之慶所有湖廣江西浙江江

蘇安徽河南山東應輸漕米着照康熙年間之例於

乾隆三十一年爲始按年分省通行蠲免一次其江

寧京口杭州荊州等處駐防地方該省漕米旣蠲所

有應須兵食如何預爲籌辦並各該省蠲免欠帑應

行酌辦各事宜着該部速行定議具奏欽此

乾隆三十一年

特恩蠲免漕糧折色

上諭前經降旨將各省漕糧分年普免一次期使海宇
黎元均沾愷澤但聞漕糧欵內尚有例徵折色及民
戶等銀官爲辦漕者雖徵收銀米不同其爲按田起
漕之例則一也若仍令其照漕項輸將不得與交納
本色民戶并邀曠典未免獨切向隅着再申諭辦漕
各省州縣內有徵收折色者一體概與捐免督撫等
務董率所屬實力經理再行明白曉諭毋使胥吏藉

名滋獎負朕加惠閭閻普施膏渥至意該部遵諭速

乾隆三十二年

特恩蠲免錢糧佃戶均沾惠澤

上諭前於乾隆十一年通行蠲免直省應徵錢糧曾令
各督撫轉飭州縣官勸諭有田之家酌減佃戶租糧
使之均沾惠澤上年春初朕特沛恩施降旨各省起
運漕糧分年蠲免一週俾薄海農畝共叨樂利在有
田業戶於輪蠲漕米之年已得倍裕蓋藏而佃戶等
尚未一體仰邀曠典着各省督撫屆輪蠲免年分通

行曉示諭各業戶等照每畝應蠲漕米數內亦令佃戶免交一半務期愷澤均敷使納糧力穡之人倉箱並資盈阜該部遵議卽行欽此

乾隆四十二年

特恩普免天下錢糧

上諭前因

聖母萬壽特宏錫類之仁普蠲各直省錢糧以昭慶惠朕本欲俟恭祝

聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七千餘萬着再加恩自
戊戌年爲始普蠲天下錢糧仍分三年輪免俾寰宇
億兆人民共被

慈恩永申感慕而朕終天罔極之忱雖不能仰酬萬一庶
幾藉此稍展其如何輪派年分着該部卽速悉心核
奏遵行欽此

乾隆四十三年

特恩運陝西麥石撫恤

上諭本年河南省因春雨短少恐麥收不無歉薄業經
疊降恩旨倍加撫恤因思直隸山東兩省春膏亦未

深透未必能接濟河南而陝西省昨據畢沅奏稱自
二月以至三月屢得透雨遠近普沾是該省麥收自
必豐稔陝西與河南接壤且有黃河一水可通若令
陝西採買麥石運赴河南以濟民食則市糧卽可充
裕且該省殷實之戶自不致囤積居奇勢必爭先出
糶豫省市價自可漸平此事着畢沅鄭大進彼此會
商妥辦如果能以陝省之有餘補河南之不足於民
間生計大有裨益將此由四百里傳諭畢沅等知之
並將如何會辦情形一面辦理一面迅速覆奏欽此

乾隆四十三年被旱

特恩先行蠲免豫省錢糧

上諭豫省自去秋至今雨澤稀少現在已交夏令卽廿
霖早晚霑沛止可趕種秋稼二麥已難望有收業經
疊沛恩施令該撫加意撫恤但被旱略久民食不免
稍艱其開封等五府應徵本年錢糧雖經降旨停緩
但秋後仍須輸納民力究不免拮据莫如將該省乾
隆四十五年輸免錢糧卽於本年先行蠲免其迤南
各府州縣現已徵收者卽作爲明年正供在被旱之
五府屬貧民旣得免追呼卽有收之各府屬亦可以
其有餘供歉區糴買以資接濟該撫務董率所屬

心經理毋使吏胥從中滋弊以副朕軫念民生之至意該部卽遵諭行欽此

乾隆四十三年黃水漫口被災

特恩緩徵

上諭豫省儀封考城一帶黃河漫口被災較重朕心深爲軫惻業經降旨截留漕糧二十萬石并留豫省新漕十萬石又先後撥運兩淮鹽課銀一百萬兩並令尚書袁守侗前往查辦董飭有司寔心賑卹災民不致失所第念被災州縣尚有應徵米豆等項若今冬仍令輸將貧民未免拮据着再加恩將儀封考城

商邱寧陵睢州祥符陳畱杞縣本年共應徵粟米三萬一百八十七石零豆五千九百一十三石零又祥符等六州縣應徵麥一千六百五十六石零一併緩至次年秋後徵還以紓民力該部卽遵諭行欽此

乾隆四十三年被旱

特恩緩徵賑恤

上諭前因河南省開封彰德衛輝懷慶河南五府春雨愆期麥田被旱節經降旨酌借口糧籽種俾得及時耕作又將本年應徵錢糧緩至秋收後徵收常平社倉民欠穀石緩至麥收後徵收並令將存倉社穀

時借糶俾市糧充裕民力寬紓第念該五府屬極貧
下戶口食更爲拮据着再加恩於社穀內酌給月糧
以資糊口該撫卽飭令地方官確查妥辦務令窮黎
均沾實惠毋致吏胥中飽至本年社穀出借較多如
屬不敷着於漕穀項下借動撥給該部卽遵諭行欽
此

乾隆四十四年黃水漫口被灾

特恩賑濟

上諭上年豫省儀封考城一帶黃河漫口被灾較重朕
心深爲軫惻業經降旨截留漕糧二十萬石併留豫

省新漕十萬石又先後撥運兩淮鹽課一百萬兩戶部庫銀六十萬兩命尚書袁守侗前往查辦董飭有司實心賑恤并節經降旨蠲緩兼施災民自可不致失所第念藉賑貧民向資官廩入春東作方興正在青黃不接之際若驟行按例停止未免糊口維艱深爲軫念著再加恩將被災較重之儀封考城祥符陳留杞縣商邱寧陵睢州鹿邑柘城十州縣十分災之極貧加賑兩個月十分災之次貧同九分災之極次貧各加賑一個月咸俾惠洽始和其餘被災較輕各地方有應行酌借口糧籽種之處該撫察看情形

協辦理務使窮簷均沾愷澤副朕加惠無已至意
部遵諭速行欽此

乾隆四十五年黃水漫口

特恩緩徵錢糧

上諭上年因豫省堵築漫工曾降旨將應徵地丁錢糧
緩至秋後開徵第念該省自儀考數州縣被水成災
外其餘各屬雖獲有收而元氣初復戶少蓋藏若將
地丁及舊欠並徵民力不無拮据着再加恩將該省
四十四年分應徵地丁錢糧除被災各屬蠲免外其
餘俱自四十五年爲始分作三年帶徵歸欵用昭體

恤窮黎至意該部卽遵諭行欽此欽遵

乾隆四十五年

特恩輪蠲漕糧

上諭大學士管兩江總督高晉聞浙總督楊景素等合詞陳奏以江浙臣民望幸甚殷且河工海塘皆冀親臨指示懇請於庚子春再舉南巡盛典以愜輿情一摺朕於乙酉南巡回鑾時因耆孺攀戀情殷曾許以翠華再蒞然敬念

聖母皇太后春秋已高難以再奉

安輿長途遠涉遂諭江浙大吏不必更以南巡爲請而工

鄉士庶愛戴依戀之情狀未嘗不往來於懷距今已
十有四年其顛望惴忱自益肫切且自前巡閱定五
輿水誌以爲展拓清口之準下河從此遂免水災嗣
聞黃河倒漾所繫甚重因酌定挑濬陶莊引河面諭
薩載籌辦河成而清黃交滙處移遠清口不復有倒
灌之患但下游尚有停淤亦不可不除其流弊而一
切善後事宜若非臨蒞閱視究不能悉其實在情形
至浙省海塘近來潮勢漸趨北岸深爲慮念亦不可
不親爲相度機宜今高晉等既有此奏着照所請於
乾隆四十五年正月諏吉啟鑾巡幸江浙便道親閱

河工海塘所有各處行宮坐落俱就舊有規模略加葺治毋得踵事增華致滋繁費至該督等以庚子年適逢朕七旬萬壽欲就近舉行慶典則斷不可朕本意以庚子年爲朕七旬慶辰越歲辛丑卽恭逢

聖母九旬萬壽斯則敷天同慶自當臚歡祝

嘏以抒萬姓悃忱今旣不能遂朕初願尚復何心爲已稱慶况朕蹕途所經老幼歡迎扶携恐後未嘗不顧而樂之若經棚戲臺侈陳燈綵點綴紛華飾爲衢歌巷舞深所不取且非所以深體朕意也不特江浙臣民不當爲祝釐之舉卽凡內外大小臣工于朕七旬萬

壽時亦均不得請行慶典以及進貢獻詩若伊等謹
欲藉以申其尊敬之誠是轉增朕心之不悅尚得謂
之忠愛乎但天下士民遇朕七旬萬壽皆不免望恩
倖澤此則情理之常朕亦何肯因不舉行慶典並斷
恩施乎着於己亥年八月舉行恩科鄉試庚子年三
月舉行恩科會試以彰壽考作人之盛至各省漕糧
於乾隆三十一年普免一次茲蒙

旻蒼眷佑累洽重熙朕敬體

天心愛養億兆用是再沛恩膏着於庚子年爲始復行普
免天下漕糧一次俾藏富於民共享盈寧之福所謂

欽福錫民慶莫大焉其開科事宜着交禮部查例辦理其各省漕糧應如何分年輪免之處着交戶部詳悉妥議具奏將此通諭中外知之欽此欽遵抄出到部臣等恭照乾隆三十一年欽奉

特恩將各省起運漕糧通行蠲免經臣部謹照康熙三十年

恩免漕糧之例分作七年按年分省輪免一遇薄海億兆共享盈寧今又

特沛

恩綸自乾隆四十五年爲始復行蠲免天下漕糧一次

康熙累洽養恬久逮於垓垤

厚澤深仁藏富復籌夫倉廩極振古未逢之

曠典仍分年按省以均霑益裕豐亨羣蒙樂利臣等遵
旨詳議所有河南山東江蘇浙江安徽江西湖南湖北
等省漕白三糧及黑豆麥石自應仍照乾隆三十一
年之例分爲七年按省輪免第各省糧額以及起運
漕船多寡不同如江蘇一省每年額漕共有一百九
十餘萬石計漕船二千九百餘隻浙江省每年額漕
計數九十餘萬石漕船一千餘隻江西省每年額漕
七十餘萬石漕船六百餘隻上次經該督撫奏請將

各州縣額漕本年先蠲一半次年再蠲一半俾空重漕船例帶貨物南北得以流通欽奉

諭旨各屬漕糧概免一半條目繁多易滋淆混不如間府分免界限犁然蠹役無由滋弊輸將既易於遵循蠲免更普沾寔忘欽此是以上次輪免江蘇浙江江西三省之年均經該督撫奏明遵

旨分年間府次第蠲免此次蒙

恩再予普蠲其分年先後自宜籌酌妥協以期推廣

皇仁臣等謹將應免各省詳加籌酌應請於四十五年

免河南省並免江蘇之江寧蘇州揚州徐州淮安五

府屬四十六年免山東省並免江蘇之松江常州鎮
江太倉海州通州六府州屬四十七年免浙江之杭
州湖州二府屬四十八年免浙江之嘉興府屬四十
九年免安徽省五十年免湖南省並免江西之南昌
饒州南康廣信四府屬五十一年免湖北省並免江
西之瑞州臨江吉安撫州建昌贛州六府屬仍分作
七年遞行蠲免一週再查漕糧欵內有例徵折色及
民戶輸銀官爲辦漕之項上次欽奉

特恩一體概予蠲免此次應遵照辦理至各省隨漕等
項銀米向遇蠲免漕糧年分節經臣部酌議仍照額

徵收以爲停運丁船支給月糧及京口兵糧之用如有餘剩報部酌撥此次亦應照額徵收惟各省徵收動支數目多寡不一上次山東湖廣等省應徵隨漕銀米據該撫等以爲數無多且應須之項又有倉存米谷可以動給奏銷請緩俟次年按數徵收還項其江蘇等省徵收隨漕銀米爲數較多因係京口兵糧及丁船減半月糧等項之需據該督撫奏明仍請照額征收以供支放是各省情形不同一切條規應令該督撫循照上次章程辦理並令刊布

恩旨通行曉諭轉飭地方官將應免漕糧應徵隨漕銀

米詳細分註填發清單分給各戶俾便遵循再直隸
保定雄縣駐防兵丁歲需兵米一萬二千餘石向係
在于豫東二省新運米內各半動撥搭運天津北倉
交卸今該二省漕米旣蠲所有應需兵食自應預爲
籌辦查豫東二省停運薊糧一項本係畱備直省不
時之需現在積貯尚多前項應需兵米應令在於該
二省附近水次存貯薊糧米內遇蠲免該二省之年
卽將此項薊糧用漕艘如數運供以裕兵儲臣等戴
大澤以承流敬悉心而叅酌務期

恩膏所被普徧靡涯敷天率土益沐

皇仁于永永無旣矣等因於乾隆四十三年十月二十

一日奏本日奉

旨依議欽此相應行文該督撫遵照辦理可也

乾隆四十五年黃河漫口

特恩賑濟

上諭上年豫省儀封考城一帶因漫工堵築未竣瀕水
田禾被灾較重節經降旨蠲賦截漕以資接濟又前
後撥運兩淮鹽課及戶部庫銀五百六十萬兩交該
撫飭屬辦理正賑第念今春正賑已畢青黃不接之
時若按例停賑貧民糊口未免拮据着再加恩將被

災較重之儀封杞縣商邱寧陵永城鹿邑睢州考城
柘城汲縣淇縣延津濬縣等十三州縣十分災之極
貧加賑兩個月十分災之次貧與九分災之極次貧
民加賑一個月其被災八分以下各州縣極次貧民
有需借給口糧籽種者並著該撫查明分別妥協辦
理務俾均霑愷澤用溥春祺該部卽遵諭行欽此

乾隆四十七年黃水漫口

特恩賑濟

上諭豫省因焦橋曲家樓南北兩岸漫口儀封考城等
處及漫水經由之祥符等縣均有被災之處屢經降

旨令該撫切實查勘分別照例給賑第念今春正賑已畢尚屆青黃不接之時民食不無拮据著再加恩將陳畱儀封考城三縣十分災之極貧加賑兩個月十分災之次貧並九分災之極次貧民加賑一個月至祥符杞縣滎澤三縣及陳州府屬之淮寧西華等縣並著該撫察看情形酌量借糶俾窮黎毋致失所以副朕加惠無已之至意欽此

乾隆四十九年旱

特恩豁免錢糧

上諭昨因河南衛輝一帶缺少雨澤業經降旨將被旱

較重之汲縣新鄉等十六縣民欠未完銀兩緩至秋熟後征收以紓民力今思此項銀兩係四十八年民欠未完各該處被旱較重卽使此時得有透雨趕種大田秋成後亦祇能完納本年錢糧若新舊並徵民力仍未免拮据著竟加恩將衛輝府屬之汲縣新鄉輝縣獲嘉淇縣延津滑縣濟縣封邱懷慶府屬之修武原武陽武彰德府屬之內黃及開封府屬之祥符陳畱滎澤十六縣所有乾隆四十八年民欠未完銀兩全行豁免該撫其督率屬員寔力妥辦務俾閭閻均沾寔惠以副朕軫念災黎有加無已至意該部卽

遵諭行欽此

乾隆五十年大旱

特恩緩徵賑恤

上諭據畢沅奏彰德一府與衛輝毗連開封河南二屬
自去冬至今未霑雨雪麥苗微細夏禾不能長發等
語開封等屬冬春未得雨雪此時卽得甘膏播種大
田西成尚早若令將新舊錢糧照常輸納小民未免
拮据所有開封府屬之祥符陳畱杞縣通許尉氏洧
川中牟蘭陽滎澤汜水禹州密縣滎陽鄆陵儀封鄭
州新鄭等十七州縣河南府屬之新安澠池偃師等

三縣彰德府屬之安陽湯陰內黃等三縣共二十三
州縣乾隆五十年並四十九年未完錢糧及一切帶
徵錢糧倉穀等項俱著緩至本年秋後徵收以紓民
力其中有受旱較重及連年河水漫溢被淹積歉之
區並著再行加賑一月口糧俟得雨後仍按畝借給
籽種俾資耕作其無地極貧下戶卽加賑兩月口糧
使一體均霑渥澤該撫務須董率所屬寔力妥辦以
副朕軫念窮黎有加無已之至意該部卽遵諭行欽
此

乾隆五十年連年旱災

特恩豁免各項錢糧

上諭豫省衛輝一帶連年旱災甚重屢經降旨加恩展

賑並將緩徵帶徵民欠各項普行蠲免本年錢糧緩

至秋后徵收矣該處雖兩次得有雷雨仍未渥被甘

膏農民更形拮据朕心深爲軫念即使夏至以前得

有透雨及時播種大田秋禾成熟而當積歉之餘閭

閭元氣未能驟復仍恐艱於完納所有衛輝府屬之

汲縣輝縣新鄉淇縣獲嘉延津濬縣滑縣封邱等處

及附近災區之武陟陽武原武修武各縣本年應徵

地丁錢糧竟著加恩概行蠲免俾吾民得安心耕作

以待西成至開封歸德河南陝州許州等屬雨澤亦
屬愆期麥秋失望從前降旨緩徵之祥符等二十三
州縣內其受旱較重之祥符陳畱蘭陽儀封滎澤內
黃六縣所有歷年帶徵緩徵各項著照衛輝所屬之
例加恩全行豁免其次重之杞縣通許尉氏洧川中
牟湯陰六縣著蠲免十分之五鄆陵滎陽禹州安陽
四州縣著蠲免十分之三至受旱少輕之陝州靈寶
許州臨潁襄城長葛河內濟源孟縣溫縣臨漳林縣
洛陽鞏縣孟津嵩縣永城鹿邑柘城虞城夏邑太康
扶溝西華等二十五州縣所有乾隆五十年並四十

九年未完錢糧及帶徵歷年錢糧倉穀等項俱著加恩緩至本年秋后徵收以紓民力其各該州縣內極貧下戶餬口無資者並著給與一月口糧用示優恤該撫其督率所屬妥協辦理務俾均霑實惠副朕軫念災黎不使一夫失所至意該部卽遵諭速行欽此

乾隆五十年大旱

特恩豁免錢糧

上諭豫省被災地方較廣而衛輝各屬情形尤重業經節次加恩現在京畿一帶已渥被甘膏而該省得雨仍未透足二麥無收大田未種民情更形拮据朕心

深爲軫念所有開封府屬之祥符蘭陽陳畱儀封
澤彰德府屬之內黃六縣本積歉之區今歲受旱較
重其本年應徵之地丁錢糧着卽加恩蠲免十分之
五其情形次重之杞縣通許尉氏洧川中牟鄆陵滎
陽禹州湯陰安陽十州縣所有本年地丁錢糧着卽
加恩蠲免十分之三至緩徵舊欠各州縣內開封府
屬之鄭州新鄭汜水密縣河南府屬之新安澠池偃
師洛陽鞏縣孟津嵩縣歸德府屬之永城鹿邑虞城
柘城夏邑陳州府屬之太康扶溝西華陝州並所屬
之靈寶許州並所屬之臨潁襄城郾城長葛又河北

懷慶府屬之河內濟源孟縣溫縣彰德府屬之臨漳
林縣三十二屬雖受旱稍輕現在青黃不接小民生
計亦屬艱難所有歷年緩徵帶徵各項舊欠著加恩
概予蠲免十分之三其與災地毗連之商邱寧陵睢
州宜陽登封永寧淮寧商水汝州伊陽寶豐邳縣武
安涉縣十四州縣所有麥後應徵舊欠及本年錢糧
俱著加恩緩至秋成後徵收以紓民力該撫其督率
所屬妥協辦理務俾均沾寔惠副朕軫念災黎不使
一失所至意該部遵諭速行欽此

乾隆五十年

御製 西安巡撫何裕城奏報得雨以誌事

西安缺雨非浔旱茲報甘霖霽霈施

西安於四月連次得雨

未沾足尚非浔旱茲據何裕城奏省城于四月二十

三日申刻得雨綿密達旦二十四日又得雨數

四五寸不等農民乘時耕作甚為踴躍近省之

西安鳳翔邠州乾州等屬州縣稟報相同等語

登場堪接食黍禾播隴正資滋幸因少望即愜望以

不相宜反受宜

陝省當二麥登場之際普沾渥澤得

欣慰何裕城因與豫省人地不甚相宜新經調任西

安今甫至省得此雨膏應候轉勝在豫望澤是其幸

也豫省依然未沾澤畢沅焦急為憐之

早之後且有河工故自西安巡撫與何裕城相調茲

據畢沅奏該省近日得雨總未透足風乾日杲日擊

閭閻迫切情形蚤夜焦急惟有率屬齋戒籲禱明

神等語愛民之意與朕同而該撫日擊身臨更堪憐

也 憫

御製 降旨分別蠲免河南開封等府州屬正賦及帶

徵積欠錢糧詩以誌事

河南五百里馳郵將謂甘雨被豫州披閱乃覆奏論

旨弗增慰念仍增愁馳摺以月之念九此霑濡彼未

蒙寐

畢沅奏摺于四月廿九日拜發其日京師大雨而未據畢沅奏及是豫省尚未被澤益深繼念

昨爲

去聲

衛輝雖蠲賦不無隣郡內隅憂因命方伯查

詳悉茲乃一一陳厥由

前因河南被旱地方較廣除衛輝各屬業經節次加恩外

其隣近之開封等各府州屬雖經得雨仍未透足民情不無拮据降旨馳詢畢沅令其將各屬雨水及麥

秋大田情形據實詳悉覆奏逐一詳查奏到因卽降旨分別蠲緩以紓民力 十分之三

其五二府正賦免課收

府屬之內黃六縣本年應徵地丁錢糧卽降旨加恩

免十分之五其大重開封府屬之杞縣通許尉氏

洧川中牟鄆陵滎陽禹州彰德府屬之湯陰及餘

安陽十州縣卽加恩蠲免正賦十分之三

徵之舊欠視災輕重次第酬開封府屬之鄭州新鄭

新安澠池偃師洛陽鞏縣孟津嵩縣歸德府屬之永

城鹿邑柘城虞城夏邑陳州府屬之太康扶溝西華

陝州并所屬之靈寶許州并所屬之臨潁襄城鄆城

長葛又河北懷慶府屬之河內濟源孟縣溫縣彰德

府屬之臨漳林縣等六府二州所屬三十二州縣雖
受旱稍輕但現在青黃不接小民生計維艱所有積
年緩徵帶徵各項舊欠並加恩概予蠲免十分之三
其與災地毗連之商邱寧陵睢州宜陽登封永寧淮
寧商水武安涉縣並汝州及所屬之伊陽寶豐郊縣
等十四州縣所有麥後應徵舊欠及本年錢糧俱著
加恩緩至秋成後徵收並令該撫俾我窮黎少蘇息
率屬妥協辦理俾窮民均沾寔惠

所優霽被補種秋從來救災無善政盡予心力勤咨
諏

乾隆五十年被旱

特恩加賑

上諭豫省被旱地方較廣而衛輝各屬情形尤重業經
降旨節次加恩令該撫竭誠祈禱設法虔求朕厘念
民依無時或釋每日清晨齊心默籲叨邀

昊貺溥被甘膏近來京師及直隸各屬俱已大霽甘霖卽

山西山東等省亦得均霑澍澤惟豫省開封等屬雖
得雨數次總未深透而衛輝一帶旱象猶甚望澤更

殷朕夙夜勤求推原其故寔不可解豈豫省黎元不
無因久旱缺雨心懷怨憾以致上千

天和耶孔子言不怨天不尤人但祁寒暑雨小民怨咨自
古已然則無識愚氓於呼籲之餘激爲嗟怨亦人情
所不免然該省旱暵倍常卽是

上天垂象示儆朕惟有省愆思咎惕勵憂勤爲民祈請而
地方大小官吏尤當時時刻責夙夜盟心至小民雖
屬顛蒙亦不可以雨澤愆期稍存怨恨卽或因地方
官吏有貪污不職斷聽不平及於災賑撫卹之事辦
理不能妥善以致惠澤不能下逮此則朕之不明用

人行政之失小民等寧可歸咎朕躬亦斷不可怨及
蒼昊況當今綱紀整飭吏治肅清亦不至有貪枉殃民之
事我君臣以及百姓惟當反躬自責以期潛消災沴
感格

天恩冀得濃膏速霈現已降旨於展賑之後再行加賑三
箇月該處如果續得雨澤卽可趕種大田雜糧轉災
爲福設或一二屬未得透雨而時近秋成亦可轉運
接濟總之朕愛養黎元如傷在抱斷不使一夫失所
爲吾民者惟當安靜守分以受國家惠濟之恩著畢
沅將此旨刊刻宣示並明白曉諭務令窮鄉僻壤咸

知朕意並將御製分別蠲免河南開封等處正賦乃
西安巡撫何裕成奏報得兩詩二章錄寄畢沅閱看
將此通諭知之欽此

箇月移之如果

命

國

公



